

כתאבי יא סידרי ומולאי אסאל אללה בקאך ואדאם עוזך ותאידך ונעמאך  
 מן רב נסים ען סלאמה ונעמה אעלמך אן כתבך אליך מן תוניס סאלתך  
 תנצר בקית מא בקא לי ענדך תנפצה דכרת אן מא אתפק...  
 יא מולאי אנא אסלך תנצר מא תבקא לי ענדך תרפעה למוסיך  
 זכרי לאכני לאן ביני ובינה..... פעלת מתפצל לא  
 עדמתך ולא כלית מנך וקד ערפת יא סידרי אן אכד אל...  
 מרכבין ואן אגיוחו אצחאבנא פיהא וקד גמני בגיאת  
 אלגם אללה יכלף עלא מן צאע לה שי כביר וירחס מן מאת  
 פיהא פהי גיאתה ואן יכון לך יא מולאי חאגה תשרנא(ני)  
 בהא ואנא ארגו אנך דעת אל... ואלערצי ואלגמיע וקרצת  
 בקית מא בקי ענד צדקה אלצאהרי תולף אלגמיע תסלמה  
 למוסי ותכתב לי בדלך קראת עלא כאצתך אלסלאם  
 ובמיע אצחאבנא כיל ואחר

לסידרי מולאי אבי יחיה נה(ר)איך נסים נע

אללה בקאה ואדאם עזה ותאידה

אסאל

מן נסיםך כלפון נעך בנאיה

כתאבי אלי אלולד אלעזיז עלי וענבי אסאל  
 אללה בקאה ואדם עזה ונעמאה ומן חסן  
 אלחופיק לא אכלאה וגמע אלשמל בה  
 קריב אנה אלקאדא עלי דלך אן שא  
 אללה תעאלי וסוא דלך לא תסאל מא  
 עלי קלבי מנך ולאכנ אלדי אעלמך בה  
 אנהם מצו אלי ענד אלרייס וקאלו לה מא  
 סאפר ומא הו אלא פי מצר פקאל להם  
 אחצרוה פקאל לה תאמרנא באן נרוח  
 אלי ענד אלואלי נגיב אחנין יכרגוה פקאל  
 להם אלרייס אללה ידכרה באלסעאדה  
 הי עמלה חתי תרוחו ללואלי הדא אמר  
 שרע אדא וקעתו בה גיבוה אחכס לה  
 ועלי חק! אן כאן סאפר קאל לה... פי  
 ידי חילה גאיב מא לי עליה סביל ולא לי  
 ענדה כלאם פקאלו אדא ולדת כיף יעמל  
 בה קאל להם איש מא ארדתו אפעלו  
 קאל לה אלדיין אן כנתו צלח צמאן גמיע  
 מא יגרי עליה ואד לם תכונו צלח פלא  
 לאחד כלאם קרית עליך אלסלאם ועלי אלואלדה  
 ועלי אלאכת ועלי יעקוב ועלי אולאד  
 אכתך ועלי סרור ועלי זוגתה ועלי דוד  
 ואנא אוציק אן לא תברח ענד אמך חתי  
 תלד ואסיר לך כתאב במא יכוון  
 פיכוון קלבך סייב ולא תקסע כתבך עני פאנת  
 תערף קלב אלואלדין וכאתב הדא אלכתאב יסלם עליך

يصل هذا الكتاب الى مصياف المعصوم الى دكان داود المصالح ابن سرور اس  
 يعقوب البرهوي سلمه امانه مؤداه لا يبرهم من عند والده